



Sabtu, 23 Januari 2021

Ogen: Jeremia 45:1-5



Si Setia Terkelin



Ummum i bas kegeluhenta, i bas kai pe, megati si baba ku bas dua dampar e me 'punish and reward.' Ukumen ntah pengergan. Adi anak-anakta gutul si rawai, adi mehuli sipujiken. Adi la dung tugasna iukum adi dung banci idatna nilai. Megati anak-anakta ntah kempta si sekolah sijanjiken hadiah, adi mehuli nilaina ntah dat juara ia si bereken hadiah ntah situkur kai si nisurakenna. Emaka ia pe rusaha, rajin erlajar gelah banci dat nilai ntah pe lulus.

I bas ingan erdahin si tuhu-tuhu nentuken kualitas, man pegawai si tutus ntah pe berprestasi pe pasti ibereken pengergan ntah pe bonus man bana. Banci liburen, kenaiken jabaten ntah pe hadiah sideban janah dikune labo ncidahkan hasil ntah pe prestasi dengen terdauhen erbahan kesalahan ntah ngerugiken banci saja ipengadi. Ertina, i bas kerina silakoken kita pasti lit ulihna si ialoken.

Bageme pe Dibata man bangsaNa, husus i bas renungenta enda man Baruh, ia eme sekretaris Jeremia, sinuratken kerina si isehken Dibata man Jeremia guna ipeseh man bangsa Israel. Man bana pe seh kata Dibata, kai ate Dibata siilakokenNa nandangi kegeluhen bangsa e. SITuhuna, latihan, mbiar dengen lanai teneng Baruh ngaloken kata Dibata sabab ietehna kal kuga kegeluhen bangsa e dengen kuga Dibata ncidahkan kuasaNa. I jenda pe man Baruh ikataken Dibata kai siateNa ilakokenNa, cilaka kal man kalak si la patuh, ukumen man baNa. IruntuhkenNa si enggo ipanteki, iruahNa ateNa kai siisuanNa. Tapi man Baruh ijanjiken Dibata keterkelinen geluh. Ku japa pe ia lawes tentuna Dibata sinemani ia. Arah renungenta wari enda, mari tetap kita setia ngikutken ras ndalanken sura-sura Dibata. Perkuah ateNa si mpengasup kita i bas ngelakoken singena ateNa.